



明詩正聲卷四十

七言律詩十

廣陵

盧純學

江一夔

校閱

請假歸省留別都門諸君子 李言恭

秋深雲物捲堪愁况爾銷魂易水頭  
劍履暫辭雙闕鳳烟波遙狎五湖鷗  
自憐烏鳥情偏切敢謂冥鴻去不留  
到日山陰風雪滿故人誰復似

王猷

送仲弟南還兼奉懷老親





無數離愁匹馬前况多風雨怨啼鶻版輿未得  
歸潘岳春草何堪送惠連伏枕夢回滄海月登  
樓魂斷白雲天飄零不免高堂問雙鬢休言易  
昔年

別單竹樓還金陵

幾年作客共湘川君去秦淮獨惘然數幅征帆  
秋水渡一聲鴻鴈夕陽天從今不下延徐榻何  
日重來訪戴船吳地故人如有問鄉心常在月  
明前

李于鱗徐子與二使君相次北上餞之石

湖

張鳳翼

滉漾湖光到酒邊迢遙川色兩帆懸雙星向夕  
俱為使千里方舟並欲仙歷數青山移榻處重  
開紫氣度關年由来春雪元同調并入簫韶獻  
御筵

五雲道中夢故園兄弟

顧大典

千盤石磴迥誰攀匹馬遙從鳥道還澗草乍迴  
池上夢林花聊破客中顏飛泉噴壑渾疑雪宿



明言正聲  
雨蒸嵐不辨山十載乃頭心已折浮雲回首是  
吳關

對雪寄廣陵徐郡丞

千家積雪映朝暉天畔羣山失翠微不為歲除  
催節序似因春至妬芳菲梅飄江閣寒相映月  
照蕪城影共輝更憶仙郎歌古調郢中今日和  
應稀

彭稚修以病乞假暫還匡廬 胡應麟

憔悴青氈越水頭一尊長嘯攬吳鉤高齋暮輟  
康成講名岳朝看太史游五老雲霞天並入九  
江濤浪雪爭流春花正逐離尊滿忍聽陽關上  
客舟

送戚少保鎮守嶺南

絕徼重飛上將星揚旌伐鼓渡滄溟長驅吏士  
過南粵淨掃單于下北庭杖杜含杯千堠肅梅  
花吹笛亂山青羅浮銅柱燕然石萬古何人並  
勒銘

送大司馬張公還朝



赤羽初銷萬竈烟朱旗重閃入朝年鯨鯢觀築  
三吳外虎豹關清石越前西北風雲馳劔履東  
南日月護樓船莫誇定遠封侯事一代殊勲太  
史傳

送康裕卿寄暘谷先生

魏允中

授簡風流滿洛陽青春游子倦思鄉桃花尚記  
當年宅荷葉堪為卒歲裳九曲暮雲連鴈宕片  
帆秋雨落錢塘吳門驄馬深相憶錦字遙憑寄  
八行

奉送黎員外還京時有秘書之報

太行春盡促征旄河漢槎回北斗高白髮主恩  
仍浩蕩青雲客計未蕭騷春風委珮朝丹闕曉  
日當爐侍彩毫回首鳳池應萬里思君唯有夢  
魂勞

寄戚南塘少保

沈懋學

仗鉞從分銅虎符妖氛萬里坐看無陰山月滿  
閒刁斗紫塞霜威避湛盧大閱轅門秋整旅雅  
歌貂帳夜投壺勒名漫道班生善勲績雲臺更



可圖

其二

擁節當年壯出師材官盡是羽林兒龍庭赤日  
迴長戟瀚海陰風肅大旗一自上方分閩治到  
今西域奉朝儀漢家共倚嫖姚重 聖主無勞  
頗牧思

中秋曾計部過飲江署

李化龍

青楓白露暑初收握手相看杜若洲湖海交游  
今對月天涯羈旅况逢秋山連蜀道千峰出水  
下吳閩匹練浮江畔無妨頻送酒西風漸引故  
人舟

送張郎中出守淮安

雪滿江天送客舟淮陽竹馬待君侯十年盡省  
推高第千里專城據上游帆挂廣陵明月夜濤  
迴桐柏白雲秋漢庭長孺誰堪比卧治應分  
聖主憂

酌穆少春考功

傅光宅

草玄何處對滄浪天外雙魚字八行漳水夜寒



明詩正聲 卷二  
孤月白漆園春早萬花香憑陵七子歌成雪睥  
睨千秋劍有霜已信踈狂容傲吏平原應醉紫  
霞觴

送范大行奉 詔諭雲南夷 余寅

龍章盤薄瑤函重虎旅傳呼玉節新絕域總驚  
天咫尺蠻方初識 帝絲綸風清萬絡開秦路  
雷動千麾渡漢津今日皇圖真廣大無勞更祀  
碧雞神

送管太守之任延平

江浦沙黃氣色開諸侯安穩使君來府中自識  
神明守天上真憐所弛才漲海烟雲都尉部蠻  
天風雨越王臺塞帷正度延津水莫嘆雙龍去  
不回

賦得東嶽贈陳玉叔先生 丁應泰

霏霏嵐翠起芙蓉山勢參差擁岱宗萬壑風雲  
迴漢燄千秋雨露護秦松春陰不散天門路海  
色平臨日觀峰聞說安期桃棗熟側身東望欲  
相從



中嶽

梁園徙倚思翛然二室逶迤帶紫烟開闢河山  
居正位憑陵日月倚中天王城下列飛泉灑輦  
道斜盤灌木縣况屬春風瑤草遍湯從采擷問  
神仙

寄呈王元美先生

角巾鶴髮日逍遙伊昔塵氛攬轡銷分岳祝融  
當夏伯司門京洛見臯陶赭衣夕捧金章入蒼  
珮晨趨玉漏朝一自乞身東海上遂令踪跡避

唐堯

送沈太史冊封德魯二藩

氣色翩翩出建章旌旗朝日映朱楊暫看奉使  
違鴛鴦遠作銜書比鳳皇齊魯重封兄弟姓河  
山無改子孫王迢迢征蓋頻回首五綵雲深是  
帝鄉

送趙憲副移任河南

徐桂

檐帷吳地乍行春又向三川引畫輪抗疏中朝  
焚諫草馳驅南北見勞薪長河柳逐旌旗落少



室花迎斧鉞新明到汝南  
料鄴下名賢爭識授  
經人

賦得新柳同諸君子

條風一夜乍回枯黛色  
和烟半有無玄灞柔條  
將繫馬白門疎影不藏烏  
樓頭寒映羅衣薄笛  
裏風驚紫塞孤春水綠波  
春草碧等閑芳歲莫  
教徂

寄懷顧贛州朝肅

顧先為御史

朱轡五馬玉麟符  
閩粵襟喉屬隩區  
地湧廉泉

應酌水郡隣合浦  
漸還珠褰帷樹裏分章貢  
卧閣花深見鬱孤  
神雀政成紛自下  
飛來疑是舊臺烏

贈王美人為尼美人為故曹太史詩伎

遶梁餘韻似韓娥  
曾擅江南第一歌  
問法已能依白馬  
洗粧無復畫青蛾  
一簪施却超貧海  
半偈持來竭愛河  
今日妙音惟供佛  
前身應合是頻伽

秋日登揚州城樓

余翔



層樓百尺勢崔嵬形勝東南望裏開建業山從  
京口斷廣陵濤自海門來浮雲千里飛鴻度落  
日孤城畫角哀錦纜邗溝今不見秋風搖落正  
悲哉

月夜宿岳陽樓

王牀承

羽衣縹緲洞庭邊并幹千尋睥睨連樓入九江  
杯湧月湖開三楚鏡浮天琅玕忽夢黃陵女鐵  
笛同酣紫府仙欲踏青蛇下東海片鴻聲斷荻  
花烟

秋日陳穉登邀集鳴玉園却寄其父寧鄉  
君與陸無從諸君賦

峽水平橋樹欲浮故園人遠客空遊縣知古調  
鳴單父却對元方憶太丘總入嫩涼幽竹亂砌  
含斜照晚花稠詩成盡寄江天月鴈落瀟湘幾  
片秋

蘭陵道中遇胡御史放歸

不合呼天犯帝閣扁舟風雨下江村兩言死諍  
孤臣憤萬里生還 聖主恩今夜銜盃猶是夢



故人把手竟難論漢宮幸勿嗔愚韞家本三吳  
節婦門

醉題善卷洞

接雲松栢鎖樓臺古色微茫映玉杯龍跡雷書  
寒碧雨漢碑唐殿老蒼苔驚泉破石陰晴異靈  
洞藏天上下開自信丹函與王烈山花咲拂酒  
仙來

海上遇陳叙州話舊

捷為太守鸛鷺軍曾破南夷銅虎分萬里歸心

逢舊雨十年宦跡對浮雲山中自把臨邛竹橐  
底猶携喻蜀文燕市故交君莫問俠歌消盡海  
鷗羣

上巳登昊天閣與豹孫澂父元敬宴別

萬石嵯峨巧削成陰森怪樹石中生地穿玉洞  
靈雲結天入巖樓麗日明襖袂湖光衣上動觴  
流江色席間橫酣歌且作蘭亭會回首丁仙鶴  
去輕

中元日聞汪司馬客焦山大作孟蘭佛會



放水燈口占漫寄

孤峰亂水淨齋壇寶月香雲現宰官瘞鶴銘前  
繡貝葉焦仙祠下賽盂蘭胡僧呪食千航沸野  
鬼吹燈萬火寒果就人天消綺語悟來空觀大  
江干

南游留別竹西社諸子

陸弼

竄跡蕭齋自薜蘿賦成諸子日能過尊前看劔  
憐肝膽門下傳經廢蓼莪作客又隨春草去懷  
人應傍暮雲多蒼茫世路無勞問不負山中帶

索歌

入閩關

群巒馬上俯崔嵬海色遙臨睥睨迴萬里職方  
周地盡千秋風氣漢時開危峰春晚常吹雪急  
峽天晴忽起雷聞道粵西猶列戍將軍誰是伏  
波才

同益卿登劔城百角樓

清尊日對使君開卷幔風烟萬里迴地控牂牁  
荒服外貢傳翡翠越裳來賦成頗念登樓日戰



後誰稱下瀨才回首高臺春草徧霸圖千載使人哀

過嘉興有懷臧博士

章嘉禎

城臨箬水樹蒼蒼孤棹凌秋轉曲塘捲幔烟波  
翻落照開尊荷雨散微涼尺書白下風塵遠蓬  
戶青山日月長一自雙龍隔吳楚星文常射斗  
牛傍

海夷

王穉登

玉山前歲困倭夷今日華亭更可悲沙月如水  
凋白羽海烟為霧暗朱旗石頭已道朝烽合揚  
子仍愁暮角吹財賦東南憂不細廟謨何以定  
安危

任公瘦骨氣蕭蕭亂後彫弓却在腰銅柱未曾  
標馬援玉門早已入班超孤身去國心應折羣  
盜經時氣轉驕聞道墨纒重奉詔佩刀騎馬荅  
清朝

贈徐舍人

嗟君何事獨沾裳聞着烏啼黯自傷池上薇花



空浸月堂前萱草不禁霜燕山雪作愁時髮楚  
水猿為客裏腸見說王哀廬墓處滿林衰栢淚  
痕蒼

除夕贈歌者

除夕蕭條憶故鄉天涯憔悴對何郎非關傅粉  
天然白不待熏衣自有香爆竹且為長夜飲樽  
蒲暫逐少年場巴人未解陽春曲慙負清音繞  
画梁

贈吳京兆

一疏投荒髮欲斑十年方得賜刀環燕郊棠樹  
栽初徧庾嶺梅花成乍還從此諫垣焚夕草任  
他京兆畫春山不嫌問字頻携酒吏散鶯啼好  
扣關

春陰梳頭忽見白髮

城裏春風日日吹城頭雲氣濕淋漓鶯嬌舌變  
啼還澁柳短枝寒綠未垂花片淚含江上雨髮  
雲愁感鏡中絲季來王粲多憔悴不似登樓作  
賦時



荅周中丞

手持黃鉞靖江藩  
薏苡明珠不必論  
頭白還家仍吐哺  
官貧高枕任流言  
蛟龍獄邸鋒曾出  
蛟蝶王家閣尚存  
他日詩成多寄我  
鯉魚元不隔吳門

荅大方伯朱公朱故常州太守

執手躊躇問昔年  
西陵斜日晉陵烟  
井邊王粲家仍在  
郡裡陳蕃榻尚懸  
客路松聲三竺寺  
歸心木葉五湖船  
公厨豈有桑門饌  
虛自君侯躄

瑁筵

于少保祠堂

當時誰復漢乾坤  
國是難將北狩論  
化草猶丹知怨血  
為虹不散識忠魂  
松間俎豆山中臘  
石上絲綸地下冤  
雨暗金鋪苔繡壁  
斷腸何處覓雲孫

費民益大夫黃公紹博士同集星宿閣

海氣蒼茫晝不開  
松聲蕭瑟雁聲哀  
孤城半鎖青山色  
仙吏齊驅白雪才  
郭北寒烟文種墓  
殿



前秋草越王臺千峰萬壑雲門寺他日期君載  
酒來

三塔寺送金伯韶試南宮

水轉林迴寶地偏三株雁塔寺門前丹楓借作  
天花繞明月邀為舍利懸竹下焚香開士宅沙  
邊載酒孝廉船曲江他日題名處記取離筵是  
梵筵

范司馬公園

屠隆

秀木扶疎衆草齊開殘紅藥半香泥鳥窺青嶂  
平湖入人倚朱樓落日低曲竇暗通花徑外垂  
楊橫過石闌西坐來麋鹿深深見不是桃源路  
已迷

出塞

日落關門秋色空角聲嗚咽動雲中風吹首蒼  
通秦塞月照葡萄入漢宮胡馬暗來驚夜火邊  
軍寒起抱宵弓舊時山下馬支路多少征人泣  
斷蓬

長安秋興



明詩正聲 卷之四  
九月青砧動朔方征人北戍鴈南翔玉門夜度  
三秋月金柝寒生萬戶霜白草全枯射熊館黃  
雲不散鬪鷄場少年那識邊庭苦醉向胡姬擁  
驕驕

揚州懷古

直將千古掩風流宛轉迷魂十二樓半部烟花  
銀燭夜滿江風雨錦帆秋歌殘艷曲傳商女香  
散金塘自水鷗年去年來春草綠斷腸明月照  
揚州

送顧汝和參議奉使滇南還朝

酌酒登車攬太荒馬頭雙劍落春霜花明漢節  
為天使水綠蠻雲是夜郎萬里老披銅柱月千  
金貧謝尉佗裝送君正好歌南浦欲采蘼蕪不  
滿筐

寄魏見泉侍御量移南樂

揚于庭

執法曾簪獬豸冠風塵回首別長安量移自識  
蒙恩重得罪誰憐行路難國事逢人休問訊天  
涯到處好加飡君家兄弟詩清蕨郡閣還同謝



明言正聲 卷之四  
眺看

贈李修吾轉南祠部

見說 君王已賜環金陵亦在五雲間兩都爭  
識神仙吏三禮重叨法從班伏枕鄉心懸碣石  
挂帆秋色照鐘山謝公墩上重回首絕代風流  
尚可攀

山陵陪祀

彭夢祖

直北秋陰大漠來千峰紫翠護玄臺長陵松栢  
卿雲繞昭代衣冠爽氣開奕葉山河 皇祚永

歲時霜露聖情哀小臣稽首叨供事抽筆深慚  
作賦才

姜將軍招飲觀海亭盡睹滄溟之勝即席

賦贈

車大任

碣石雲高海氣深將軍載酒共登臨天從險阻  
分夷夏地自滄桑變古今珠色夜涵明月照潮  
聲寒激老龍吟鯨波淨洗狼煙息一劍輸君報  
主心

天逸閣酒間荅俞山人

梅鼎祚



遙空飛閣破冥冥仙籟泠然似共聽中聖牀頭  
堪累月少微江左是孤星天垂半壁河流白雨  
散高城海氣青一片敬亭新入眼可憑雲鳥問  
山靈

送張侍御赴嶺南兵備

向來驄馬獨翩翩綠鬃青雲侍從年帝遣張騫  
持漢節衆傳楊僕將樓船陣開魚麗看橫海劍  
字龍泉欲倚天知爾功成名自勒羅浮端不讓  
燕然

敬亭舟中送張大來再之留都因懷嶺南

何玉登

郭外寒江淨不流淡雲疎雨送行舟年華莫問  
雙蓬鬢客計惟餘一崩緱庾嶺梅花思遠道敬  
亭楓葉下殘秋向來游俠西京地誰共翩翩過  
五侯

清源道中別倪公白

張邦伊

何事羈棲久異鄉幾迴南望淚沾裳山盤岱嶽  
連天盡水落滹沱入海長霜擁貂裘寒欲敵雪



侵龍劍夜猶光與君又向風塵別去路歸心共  
渺茫

沈嘉則有三楚之游席上得分字

春城斗酒惜離羣把臂高歌到夕曛地入衡廬  
三楚盡天迴襄漢九江分停舟夜聽湘靈瑟倚  
閣朝寒鄂渚雲知爾尚平心不累逢人勝事好  
相聞

江上

張邦侗

白蘋紅樹滿汀洲與客同登江上樓潮勢欲吞  
平楚盡風聲初散海天秋千峯落照寒相送四  
望重雲莽不流世事只今何足問且憑卮酒一  
消愁

西津別妓

鄔佐卿

立馬江臯問暮潮片帆西上路迢迢人將碧草  
新晴去魂對青山舊雨消雲色自依桃葉渡月  
明淒斷鳳凰簫壚頭濁酒春堪醉還訪秦淮舊  
板橋

鳴玉園寄陳貞甫時貞父令寧鄉



飄零湖海識君遲一劍東遊髮欲絲三徑蘼蕪  
人去後千山風雨鴈來時雲分嶽色秋歸峽星  
帶河流夜入池最是湘鄉容傲吏鳴琴何處寄  
遐思

九月九日 駕幸大峪山 馮琦

松柏蕭森輦道開旌旗縹緲五雲來始知三駕  
飛龍地不是千秋戲馬臺永夜星辰皆北向諸  
陵巖岫盡西迴倚臣扈從登高地共上南山萬  
壽杯

歲至雲中思周總戎賦之 李才

雲中日夕傳烽火萬里秋風羽檄催胡馬長驅  
光祿塞漢兵不度白登臺三關鞞鼓聲何急七  
郡蒸黎日轉哀試問漠南諸將士只今誰是出  
羣才

寄贈湯參軍西征 何九州

聞道徵兵出鳳城中原秋色滿胡纓將軍舊業  
雲霄迥 聖主新恩日月明三楚長驅千騎合  
九江飛渡百蠻驚行人莫問西征策赤羽應看



報太平

靈谷寺聽性上人談經

張成德

靈谷逶迤路幾盤千峰獨上倚巔岼長松蔽日  
全遮徑羣鹿銜花半入壇石上迸泉飛雪白林  
中清磬隔雲寒試聽老衲談金偈吐出青蓮露  
未乾

秋感

雨霽江天雪浪飛荒城雉堞澹斜暉艱難兵火  
無家問骭骸風塵始願違明月青山頻入夢黃

金白髮易沾衣哀時空有江南賦腸斷天涯過  
鴈稀

得李太史秦中書悵然有作

朱正初

隴樹秦雲路幾千尺書何得達吳天不堪筆底  
珠成淚賴有尊中酒似泉慷慨幾人同意氣飄  
零今日尚風烟離心一片愁難遣夜夜關河月  
共懸

牛首山

陳永年

香雲縹緲散芙蓉載酒春游入亂峰江水奔濤



明言山齋  
來白馬石梁飛瀑挂蒼龍蓮花說偈誰能悟天  
女行空晝不逢日暮歸途忽風雨隔林遙聽上  
方鐘

鳳凰臺

臺高北斗挂城頭梧竹層臺翠欲流山徑日懸  
雙闕曉石闌雲引二陵秋澄江入坐容鷗下荒  
逕何人問鳳遊誰謂長安看不見眼中禾黍更  
多愁

送趙玄冲之儀便道還家

張汝蘊

千里輕輶暫到家蕭蕭雙鬢惜年華梧秋葉落  
歸心急海岱雲深去路賒南陌愁看今日酒東  
籬喜及故園花送君因動蓴鱸思腸斷西風鴈  
影斜



明詩正聲卷四十一 七言律詩十一

廣陵

盧純學 編輯

江一夔 校閱

靈江舟中

葉之芳

赤城東岬水縈迴無數寒花向曉開  
越國青山浮海盡靈江秋雨掛帆來  
舟中客淚隨楓落天外鄉心逐鴈哀  
如此蕭條祗須醉自傷漂泊不  
論才

寄蕭漢卿



故人迢遞隔江干，貧病傳書歲欲殘。  
鸚鵡賦成心獨苦，鸕鷀裘敝骨應寒。  
千山日落關門暗，十月霜高木葉乾。  
惆悵冶城宮畔社，浮雲分手再遊難。

送韓漢章自楚還蜀

河梁日暮罷離尊，送爾西游入故園。  
湘渚月明春飲馬，巴江花落夜聞猿。  
青山易墮天涯淚，芳草空消客路魂。  
何事不歸常寄食，道傍誰解惜王孫。

留別楚中故人

鳳凰臺北楚江流，江介西迴鸚鵡洲。  
別路馬嘶秋草色，空山人下夕陽樓。  
秦川烟樹臨淮盡，吳會晴雲隔水浮。  
此地與君分手去，未知何日更同游。

遊武夷山

山有仙蛇函

鄧伯羔

千巖萬壑阻縈回，絕頂風烟鳥道開。  
海氣遠從雲外見，泉聲多在日邊來。  
玉函遺骨山靈護，石檢藏書漢祀裁。  
為借玄林暫栖息，不知何物是



塵埃

送王松莊歸蘭谿

呂宗渭

紅亭落葉悵離羣  
欲摘晨星把贈君  
莫向窮途悲阮籍  
何須彈鋏謁田文  
長歌醉吸吳山月  
短棹行衝浙水雲  
握手淒其秋色晚  
數聲征鴈隔江聞

九月十日同李蔡二子月湖泛舟

楊承鯤

水邊臺榭赤闌干  
楊柳芙蓉面面看  
湖氣乍浮千嶂白  
天霜欲下五更寒  
歸鴻歷歷明河曙  
落月蒼蒼遠漏殘  
乘興不辭連夜飲  
絳囊多濕露華溥

題王烈婦祠有叙

陳汝璧

剡蓋有王烈婦祠云至元十三年元兵南下烈婦死之語具記中觀其額曰元王烈婦之祠夫烈婦而臣元也彼何以死哉余改題而系以詩

道傍遺碣自巍然  
灑血千秋尚可憐  
嶺上清風



垂異代溪流嗚咽似當年一詩色借蒼崖潤九  
死心同白日懸知汝英魂原不散額題吾為洗  
腥膻

送別同僚葛鄉丈遷唐府長史

天涯去住未堪論相國新銜自主恩拄笏我  
猶慙爽氣曳裾君又向何門千巖秋色牽孤艇  
萬里離心共一尊莫以太行愁世路樊侯城北  
是中原

送吳武選出使滇南便道省侍

馬熒

朱夏都門惜解携尊前芳草共萋萋人間使節  
傳青竹天上封章濕紫泥綵袖故聯銅柱色白  
雲遙傍劔湖低前程去爾登樓處不羨當年祀  
碧鷄

入華巖寺

高燼

寺隱華巖一逕過參差宮殿接星河崩崖古木  
鳴風雨絕磴秋陰翳薜蘿隔岼雲收千嶂出中  
天月近上方多凭闌俯眺忘歸去樵路時聞采



蕨歌

懷張孺愿

汪禮約

天涯何事久離羣為報年來更憶君  
寒雨乍收門外柳夕陽忽下海東雲  
清天鴈斷書難到落木空山秋易聞  
欲采芙蓉遺遠道風波猶阻大江濱

魏生館中懷丁元父伯兄

羅治

朱簾纔捲露華侵對酒聞歌轉不禁  
座上錦纏吳女色天涯金盡旅人心  
砧聲別院高雲動秋水長橋片月深  
忽憶弟兄星散後空將白髮托長吟

道場山拜孫太初墓

聞龍

青山遙似武陵溪未到桃花路已迷  
馬鬣尚留高士冢龍文不辨昔人題  
行蹇芳草雲長合坐弄流泉日漸西  
此亦伯夷何必遠幾人堪共託巖棲

永濟橋呈錢太守範之

許聞造

十里長橋跨水雲千行新柳漸成陰  
虹邊半劃



青天色鏡裏平分碧海紋  
治行久推三輔郡  
稻梁今辟九河濱  
應知露冕行春日  
士女爭來識使君

送楊肖韓民部之任兩淮運判

君今遷謫意如何  
寂寞襜帷下九河  
共惜魚鹽淮甸遠  
總緣詞賦薊門多  
尊前濁酒寧辭醉  
座上同袍且放歌  
此去莫教憔悴盡  
人間何處不風波

送江別駕季章歸海上

寒蟬衰柳下斜曛  
雙淚孤尊此送君  
別恨暗隨淮浦月  
歸心先逐楚江雲  
南天尺素憑誰寄  
北地孤鴻不可聞  
誰謂世無楊得意  
令人容易惜離羣

張大來還金陵賦此懷之

李德繼

潮長滄江一棹行  
蒼茫烟樹石頭城  
乾坤獨有黃金貴  
風雨空憐白社盟  
孤月寂寥愁裡病  
萬山迢遞客中程  
不堪此際相思處  
尊酒殘燈永夜清



春日登狼山

崔有階

山色微茫雨半晴  
筍輿江上問鷗盟  
一筇僧自巖邊出  
雙屐人從樹杪行  
埽堵斜懸殘日影  
鷓鷯初轉早春聲  
幽深到處堪呼酒  
始覺尊前在路輕

登白馬城

崔瑞山

高城突兀控崇岡  
舊是胡兒牧馬場  
日上戍樓喧鳥雀  
雪晴沙坂下牛羊  
山連秦隴千重險  
塞擁貔貅十萬強  
此日登臨回首處  
壯圖方識漢

封疆

上石制府花馬池黃台吉獻馬賦

時羌虜俱降

三錫恩從閩外加  
坐紓籌策淨胡沙  
已誇西北降踈勒  
又見河湟獻渥洼  
狐塞月明無戰血  
玉關霜冷斷悲笳  
誰言禦虜無長算  
萬里遐荒盡漢家

送李臨淮上公出鎮金陵

柳應芳

節旄南建歲將闌  
雪落津亭曉未乾  
百戰河山重作鎮  
三朝劔履獨登壇  
營開江嶂鶯聲早  
路



出邊城馬色寒天與宗臣憂不細金陵千古舊  
長安

長安春望

千門晴雪曉霏微却望春光在禁闈日下雙龍  
連闕起雲中五鳳夾城飛宸遊上苑花初發御  
讌靈池鴈正歸楊意不逢羞自薦甘心誰復奉  
恩暉

送郭戶曹出守廣州

萬里誰過百粵鄉朱崖銅柱共蒼茫山城曉日  
明千騎海嶠春雲暗五羊刺史府中邀佩印司  
農署裡罷含香還珠不獨當年事合浦今看夜  
夜光

過新蔡訪張中丞

一卧青山欲白頭却憐多病是窮愁常將鐵騎  
清蒲海誰遣荷衣老蔡州遠徑楊花疑積雪滿  
庭榆莢似深秋從來貴賤交情見羅雀門前識  
故侯

秋日湖上同鄔山人沈侍御仲兒筠餞別



歐水部楨伯

楊兆坊

霜清木落共銜杯水淨蕙葭一棹回南海夜光  
分几席西湖霽色浸樓臺孤鴻落日吳天遠匹  
馬秋風越嶠開縱是羅浮堪避世可無書札到  
蒿萊

荅黃伯羽

梅蕃祚

一別秋風鬢欲疎山中吾自惜居諸八行不及  
憑鴻鴈尺素曾勞寄鯉魚病後祗容高枕卧貧  
來贏得帶經鋤知君近可分藜火午夜應紬太

史書

贈茅平仲

胡之驥

聞君任俠遍中州負笈還從七貴遊雪後獨經  
梁苑路花時常醉美人樓書成五蠹思干主家  
散千金為報讐裘馬蹉跎雙短鬢吳江楓冷不  
堪愁

大梁早發

何良臣

落葉蕭蕭鴈影寒馬頭殘月度邯鄲十年俠氣  
餘龍劍千里歸心負鶡冠列嶂參差連魏闕浮



雲繚繞出仙壇誰憐遠道驅馳者搔首空歌行  
路難

青州春日

雲門山色半陰陰海岱春生草樹深抱瑟十年  
猶在客投交千里幾知心途窮易覺形容老髮  
短其如歲月侵何事欲歸仍未得黑貂零落不  
能禁

秋日同焦汝京登觀音閣得吟字

陶澗

日射空山紫翠深為乘秋色共登臨懸崖殿閣  
滄江出夾道松杉白晝陰石洞雲飛雙鶴下海  
門風起一龍吟只今徒倚諸天外明月蓬壺淨  
此心

秋日送蔡公祖擢憲貴州

黃景弢

牂牁萬里使君船秋水芙蓉錦纜前五馬專城  
分雨露百蠻開府淨風烟盤江路轉遐荒日銅  
嶺雲高絕塞天臨蒞佩刀堪解贈幾將流水入  
朱絃



送姜給諫謫雲中

黃之璧

太行西北見天涯君向桑乾莫憶家但許孤忠  
縣日月寧容五嶽臥烟霞青尊夜照芙蓉鐔紫  
馬秋嘶苜蓿花可是雲中須魏尚不教才子賦  
長沙

秋興

余養元

燕塞吳山鴻鴈秋嚴霜新透黑貂裘萬家砧杵  
哀寒月三輔風烟結旅愁黃菊紫萸杯獨把錦  
林丹嶂夢空遊高臺日暮休登望歸棹明朝潞

水頭

大觀樓同閔壽卿

旅魂日夜向巖阿江閣愁來幾度過帆落邗溝  
青靄合潮平京峴白雲多深秋鴻鴈書堪寄靜  
夜魚龍海不波正喜休明饒作客可無唱和問  
羊何

送余宗漢還莆田

燕臺蕭瑟起寒烟送客登高旅思懸君已片帆  
雲水外我仍長劔酒壚前歸時松菊存荒逕別



後音塵歎遠天縱是閩中秋鴈少莫令雙鯉滯  
江邊

保國山寺絕頂望海

張應文

長藤怪石那堪捫雙嶠依然峙海門蒼樹光搖  
殘日冷赤城影落暮濤昏振衣好拾仙人佩倚  
劒空消壯士魂便欲凌風跨黃鶴不知何處是  
崑崙

謁陽明王先生祠

提兵江外國氛清此道千秋更主盟拂劒曉霜  
驅萬騎談經夜月坐諸生陰廡日射旌旗閃快  
閣山盤吳越平向晚英風吹列柏蕭蕭猶似鉄  
軍聲

登誌公塔同丘子長賦

孫朗

只尺青冥引眺長坐來嵐翠漬蘿裳千秋不改  
袈裟地列牖常懸舍利光白晝風雲蟠帝宅  
早時鐘磬發僧堂空山薄暮催寒色更躡危梯  
送夕陽

遙哭南海薛公



早期持策獻明光遺骨從教委瘴鄉去路獨憐  
梅嶺峻離亭三見柳絲長傷心消息魂俱斷別  
意殷勤夢不忘為爾臨風悲往事隔河孤鴈叫  
清霜

看劍有感

張希淑

散盡千金買越鉤陸離光動欲橫秋匣中紫氣  
凌霜雪夜半青虹貫斗牛冰鐔影驅蛟兕泣鋒  
芒寒射海江流十年骨髓存深怨拔向蒼天恨  
未訓

九日登憑虛閣

秋風高閣鬱茫茫到處僧房菊半黃千里夕陽  
來采石亂山殘雨出維揚回頭故國孤雲白把  
酒天涯兩鬢蒼何必牛山能墮淚紫萸翻令斷  
人腸

秋日

謝紹訥

兩岬蕭蕭蘆荻秋帝城砧杵動鄉愁烟中夕  
鳥連帆度江上寒潮帶郭流葉落疎林人不掃  
山銜殘照雨初收彩毫賦就悲王粲愁向西風



獨倚樓

暮秋雨中寄崔叔魯

施復蘇

空堂幽寂夕陽殘路隔孤城會面難風雨一江  
人影斷竹梧千樹鴈聲寒窓衙雉堞林稍見門  
泊帆檣鏡裏看此際不堪頻北望蕭蕭黃葉下  
欄杆

送王季夏太史

李德學

憐君詞賦挾風霜抱病經年滯故鄉暫引烟霞  
隨几寫旋看花柳送帆檣黃河萬里春濤白丹  
闕千層曉樹蒼 聖主倘詢江表事定將金鑑  
奏明光

送大司馬吳公

曹昌先

峇堯銅柱表炎州殊錫仍教鎮石頭秣苑人推  
司馬氏蠻方家祀武鄉侯旌旄暫借留都重筦  
鑰遙分 聖主憂却愧傭夫湖海客月明能上  
庾公樓

張水部城南別業

草堂負郭帶江村月色潮聲直到門汀畔采真



明言正聲 卷之四十一  
逢舊雨尊前顧曲易黃昏但移踈柳成陶宅使  
種嘉瓜即邵園總為粵容微尚在肯教清世薄  
君恩

送同伯表弟赴春官

青雀西乘八月濤綵毫賦就五雲高校書天祿  
分藜火應制昆明奪獸袍遷史豈真牛馬走超  
宗殊有鳳凰毛三公世是君家物先向都亭解  
佩刀

梅禹金買妾吳門

公子翩翩自敬亭館娃舊國問娉婷明珠不惜  
酬三斛銀漢何曾隔二星片玉燈前窺若近遠  
山鏡裏画初青貴人兒女諳詞賦金石先邀綵  
筆銘

題荔枝

天孫戲剪絳羅機散入千林海日暉漢苑漫誇  
盧橘盛唐宮應咲驛塵飛芙蓉露釀初消渴閨  
闔香生舊賜緋手劈紅雲歌白雪人間樂似使  
君稀





明司馬遷  
卷之四



